

scipiam in Deam mutasset; tum fratribus Diocuris causa fuit, ut ante illam in caelum ascenderem. Ei solemnia sacra, & virgines celebrabant Helenea, vectae mulis, cum lampadibus. Rhodigin. d. Est etiam aliud daemoneis embolium: resurrexisse dicitur, atque ex Elysijs campis translata in Insulam Achillis, eique nupsisse, ut diximus, 24. *Januar. n. 14.* ubi Leonymum ob vulneris medicamen ex Oraculo illuc accedentem, dicere Stesichoro Poetae iussit, caecitatem contractam, ex eo quod ejus pulchritudini detraxisset: quare illi expediebat cantare palinodiam, modò cordi esset, oculorum excutere calamitatem: ita Vates fecit, & visum confestim recuperavit. *Paulan. cap. 102.* Rhodig. 15. cap. 25. *Ravil. Text. 2. Offic. cap. 58.* & Angel. Politian. in *Nuricia.* Magna proorsus Helenae cum Stesichoro clementia, & cum Homero implacabilis ira: etenim eodem vitio adversus Helenam laboravit, & visum perdidit, & Helena indignata non restituit. Rhodigin. *ibid.*

31 Hujus Sospitae Veneris imago collocata Romae in templo Junonis Sospitae, uti dicemus 12. *Octobr.* & in porticibus Philippi illa celeberrima, Zeuxidis manu. *Plin. 35. cap. 10.* Celeberrima dico, quippe postquam picta, secuta est conditionem prototypi: equidem imago etiam vocata *Meretrix.* Rhodigin. 19. cap. 27. & Dalecamp. in *loc. cit. Plin. liter. c.* Causam prodidit *Aelian. Zeuxis, cum pinxisset Helenam (inquit, 4. Var. histor. cap. 2.) magnum ex eo opere quastum fecit. Non enim gratis, neque quævis obvium impudenter ad id contemplan- dum admittit: sed primum oportebat certam pecuniam summam numerare: deinde potestas videndi permittitur. Quoniam igitur lucrum ex hac pictura faceret; Graeci qui eo seculo vivebant, Helenam illam Scortum vocabant. Illam vocavit Zeuxis Pulchritudinis formam. Valer. Maxim. 3. cap. 7. n. 3. Verè opus eximium, æmuli laudibus ratum. Zeuxis cum Helenam pinxisset (subdit *Aelian. d. lib. 14. cap. 47.*) Nicostratus pictor stupefactus imaginem intrabat, sic ut manifestum esset, eum picturam admirari. Accedens itaque quidam, rogabat: Quidnam tantum artem admiraretur. At ille: Non, inquit, id me rogares, si meos oculos haberes. Hoccine suffragio, dextrae suae haud multum sibi arrogavit Zeuxis nobilis penicillus. Ut speciosiora in tabulam ex singulis eligere valerets quinque pulchiores foeminas virgines Zeuxi exhibuerunt Crotoniates. *Lebeus-Batill. Emblem. 54.**

32 Hac quoque die praefatus Stesicho-

Ritus in Heleneis

Nupsit post nuptias Achilli.

Stesichori caecitas & sanitas per Helenam.

Etiam caecitas Homeri.

Helene imago Romae.

Helene imago Romae.

Cur dicta eius pictura Meretrix.

Imago fuit forma pulchritudinis

Unde?

rus natus est. *Plutarch. in dieb.* In ejus ore *Luscina* cecinisse dicitur, mirabili auspicio, quippe primas Lyricorum. *Suidas, Quintil. 10. cap. 1. & Briet. ann. V. C. 142. Plin. 10. cap. 29. & Alexand. Neapol. 5. cap. 13.* Sepulchrum ejus instructum magnifico sumptu octonis gradibus & columnis. *Coel. Rhodigin. lib. 20. cap. 27.* Nimis pavebat ad eclipses. *Plin. 2. cap. 12.*

Stesichori oritur.

DIES X. FEBRUAR.

1 **G**Rad. 20. *Aquarij, qui felix. Dario.* sed juxta *Firmic. Hydro-picos facit. Extremum Ala Pegasi manè oritur. Junctin. K. A. Septentrio cum Favonio flat: interdum pluit. Ptol. Dies ater. Reufner. Eootes sive Arctophylax oritur. Abenar: fallitur, quia postridiè, uti videbimus ex Ptolom. immò Ovid. v. 153. signat tertio Idus Februarias:*

Tertia nox aderit, Custodem protinus Urse Accipies geminos exornasse pedes.

De *Arctophylace & Arcturo, Isag. Jul. à n. 16.* Dicitur oriri, non quia oriatur sicut *Signa Zodiaci;* sed quia cum in plaustro sit, quod vertitur circa cardinem; cum se elevat, dicitur oriri: quum deprimatur, videtur occidere. *Paul. Marf. in loc. cit. Ovid. Arctophylax ab Hebr. dicitur Canis latrans. Kircher. d. cap. 6. Pontan. 3. Uran. succinit: Exoriensque homini, & primis natalibus astans, Ipse fidem rectumque & honestas edocet artes.*

Mulier decrepita baculo innitens. Sph. Arab. Praeit. Firmicus Matern. lib. 8. cap. 16. in praefato gradu 20. Solis Aquario oriri asserit Cassiopeam, qui sub illo nati, erunt aurifices, margaritarum qui artes ingeniosè tractant. At si in occasu hujus sideris; ruina peribunt. Idem apud Franc. Junctin. in Specul. Astrolog. lib. 5. Ampliora dicemus Isagog. Novemb. à n. 24.

2 Undecimo die à profectioe ex Haran, ut vidimus 29. *Januar. n. 1.* Rebecca cum nutrice & puellis, ductore *Eliezer,* pervenerunt ad agrum, quò egressus *Isaac* ad meditando, seu refrigerando, quia habitabat ad nemus *Abrahæ* juxta *Bersabee,* pergebatque ad servos agricolas per viam ducentem ad puteum *Agar,* de quo 22. *Jun. n. 1.* Ibi non erat *Abraham,* qui ex quo movit ab hinc tabernaculum suum in *Hebron,* non exivit inde, maximè *Sarà* mortuà. *Genebr. Vid. 3. April. n. 2.* *Isaac* videns procul camelos praecogitans, quod expectabat, illis

IV. Id.

Ovid.

Arctophylax.

Pontan.

Veniit Rebecca ad Isaac.

illis occurrit: *Rebecca*que ut cognovit Sponsum *Isaac* esse appropinquantem, descendens de camelo, facie peplo velatà venit ad eum: quam quidem introduxit (suis oculis placentem, propter nimiam pulchritudinem & gratiam, amabilemque venustatem) in tabernaculum *Saræ:* ubi gestis ab *Eliezer* narratis, ritu patrio accepit in uxorem, propter dotes dignam suis nuptijs: & tantum suavissimam foeminam dilexit, ut ejus convictu, evanesceret mestitudo, quam è luctu matris ferè triennio foverat corde: ita captivum fecerat *Rebecca* species, aspectus, colloquium, & mores.

3 A nuptijs utriusque ann. 364. *Moyfes* perveniens in terram *Gesse* cum Dei legatione, & ejus virga (quæ dicta *Virga Dei,* quoniam in ea scriptum non nomen *Eloi,* sed *Jehova,* quod in rubo apparens revelaverat, nomen potentiae & fortitudinis, ut ait *Petr. Comest. in Exod. cap. 12.* qua de causa virga quadrilatera, quia singulis virgæ lateribus una littera incila ex tetragrammato, uti dicunt *Rabbini*) coram omni populo *Israël,* oppresso tyrannide *Pharaonis,* exposuit legationem, in cujus fidem virgam convertit in colubrum, manum ostendit leprosam, & sanitati restitutam, demumque in sanguinem *Nili* convertit aquam. Tunc populus credidit, ac *Dominus* pronè à cunctis adoratus; eò quòd recordatus foederis cum patribus suis. *Exod. 4. à 29.* Meditatur ex tunc *quantocyus* ingredi ad *Pharaonem,* extemploque ignis è terra erupit, è cujus medio vox audita, liberandos scilicet brevè *Hebraeos,* & in solum reducendos avitum. Ita *Rabbini* nugantes. *Artapanus* apud *Euseb. de Prepar. Evangel. cap. ult. fatetur factum,* sed in egressu, cum iret in *Aegyptum* è terra *Madian.* Anno sequenti pericitur *Arca Foederis* à *Beseleel.* *Scaliger. K.*

4 De *Arca* ejusque forma & ornatu dicitur (sicut de templo ejus, quod erat *Tabernaculum* seu *Sanctuarium*) *Exod. 25. à 8.* Erat vestita intus & foris laminis aureis, & per circuitum erat coronata, cujus operculum dicebatur *Propitiatorium,* sive *Oraculum,* quia illic sedebat *Numen* tanquam in folio, cujus scabellum alæ *Cherubim.* Inde etiam loquebatur, unde *Oraculum;* sicut *Propitiatorium;* quia dum propitius *Dominus* populo; ibi frequenter apparebat gloria *Dei* in nube, maximè in die *Expiationis:* vel quia ibi loquens *Moyfi* placabatur iratus. *Torum v. 22.* Hujusmodi operculum non erat semotum ab *Arca* undique, sed aureis cardinibus coaptatum tegmen. *Joseph. 3. Antiq. cap. 6.* Unde in *Scriptura* nunquam

Virgine nuptia.

Virga Moyfis scripta nomine Dei

Facit signa coram populo.

Vox ei ex igne post signa.

Arca Foederis pericitur.

Arca Foederis.

Propitiatorium.

Arca foederis dicitur clausa, nec clavis illius ullum verbum invenitur. Operculum tenebant duo *Cherubin* auri productiles, speciosi vultibus maris & foeminae, ut placet *Ar. Montan.* alis protegentes *Propitiatorium.* In *Arca* collocata in *Sancto-Sanctorum* tantum erant duæ tabulae lapideae continentem legem, seu testamentum: quare *Testamenti Arca* dicta est: vel quia erant tabulae testimonium pacti inter *Deum* & *populum:* qua de causa liber *Deuteronomij* idest, legis & pacti in ejus latere positus. Non ita *Tabernaculum;* igitur dictum *Testimonij,* quia lites & causae prae foribus ejus juxta leges agebantur. Erat etiam urna aurea habens *Manna* in testimonium panis de caelo in cibum mirabiliter descendens per annos 40. Similiter virga *Aaron,* ut illa virens testificaretur sacerdotium ab illo non usurpatum; sed à *Deo* concessum. At uti dixi in *Tautologijs* in sumitur pro *Juxta,* ita dum dicitur in *Arca* urnam & virgam fuisse; intelligendum *Juxta Arcam.* In illa ergo dumtaxat *Lex* quæ dicitur *Scripta;* quia scripto *Numen* patefecit, quam, etsi naturalis in cordibus hominum, corruptela sopivit. Nugaciter *Rabbini* in illud *Eccli. 24. 14. Ab initio & ante secula creata sum,* asserunt, de lege dictum, quam ante mundi constitutionem creaverat *Deus* & litteris nigris in dorso ignis candidi scripserat; eamque duobus annorum millibus creaverat ante mundi constitutionem. Praclarum ratiocinium, si *Dijs* placet, ab illis cogitabile dumtaxat, uti desipientibus! Videtis *Galatin. 7. de Arcan. Cathol. verit. cap. 1.* Tempore non existente signant tempus, ut in manu *Numinis* esset ignea lex, & ignis esset animal, ut delirarent *Chaldaei* & *Persae,* quòd devoraret omne combustibile. Prompta nonnunquam illorum cogitatio ad infanias & ineptias.

5 Hac in die à perfectione *Arcae Foederis* devolutis annis 1294. contigit victoria *Ptolemæi Philopatoris* Regis *Aegypti,* *Evergetæ* successoris & filij. *Rauclin. Antiochus Magnus* Rex *Syriae* valido exercitu recuperavit, quæ *Ptolemæus Evergetes* propter necem sororis *Berenices* à *Seleuco Callinico* *Antiochi* genitore armis furripuerat; ut diximus 28. *Januar. à n. 3.* intendens etiam mortuo *Evergete,* *Aegyptum* invadere post captas civitates in *Coelesyria* & *Judæa;* sed evanuit votum: etenim victoria advolavit ad *Philopatorem,* quem dolo interficere conatus est, emisit in castra *Theodoto* *Ætolo,* & *Dositheo* *Judæo,* sui exercitus *Ducibus,* qui pro *Philopatore,* interfecto *Andrea,* copiarum ejus archiatro, incolumes

Cherubim.

Quæ erant in Arca Foederis?

Lex quare Scripta dicitur?

Ptolemæus Philopator vincit Antiochum Magnum.

recesserunt. Briet. 3838. Torniel. Ann. 3834. Polyb. lib. 5. fol. 386. Petav. Rationar. tempor. 1. p. lib. 4. cap. 5. & Justin. lib. 30. addens: Spoliasset regno Antiochum, si fortunam virtute juvisset. Totum prædictum à Daniele, 11. à 11. ubi Hieronym. omnem Antiochus amisit exercitum; & per desertam fugiens, panem captus est. Primum superatis Africanis elephantibus ab Indicis, adductis ab Antiocho; panem Ægyptij fusi restituere phalanges, & victoria alas reflexit ad Ptolemaum; maximè instantia Arfinoes, sororis Philopatoris: quæ quidem interfuit pugnae; ut legitur lib. 3. Machab. Ipsa enim, fortiter ex adverso pugnantibus Antiochi copijs, suos in pugnam acuit, ne cederent: cumque per ordines passis crinibus lacrymabunda discurreret, ac singulis auri binas minas policeretur; Ægyptij superiores facti, fugarunt hostes. Hac insperata victoria lætus Philopator, quievit contentus recuperatione urbium, quas amisit in Syria & Phœnicia, sed infestus Judæis, quoniam auxilia adversus eum Antiocho miserant, indignatione oblecta per tres menses, quibus ibi cum exercitu victore moratus; etsi gratulationem accessissent Judæi, & ad lustrandam urbem invitassent. Agemus 25. Maij, à n. 4.

6 Hoc in tempore ait Daniel, d. v. 14. Multi consurgent adversus Regem Austri (id est, Ægypti) filij quoque pravaricatorum populi tui, extollentur ut impleant visionem & corruent. Plures Expositotum & PP. haud de hoccine præsentis tempore, sed de prævaricatoribus sub Epiphane Rege Syriæ, intellexerunt; juxta illud 1. Machabeor. 1. 12. In diebus illis exierunt ex Israel filij iniqui, &c. Hieronym. loc. cit. vaticinium alluisse cogitat, ad prævaricatores, qui sub Ptolemeo Philometore (ducè Onia, filio Oniæ III. Sancti, temerario planè animo, sed specie religionis, quasi ita implerent visionem Isaïæ, 19. 19. In die illa erit altare Domini in terra Ægypti, & titulus Domini juxta terminum ejus.) Templum simile sacro in terra Sancta, ædificaverunt in Heliopolis regione; de quo Joseph. 13. Antiquit. cap. 6. 20. cap. 8. & 7. de Bell. cap. 30. & nos 24. Januar. à n. 7. Sequuntur cogitationem Sanctius hic, n. 46. Alapide, & Perer. verum meo judicio totum accipiendum, ut cætera alia, quæ subsunt; de præsentis tempore: unde præmittitur: In temporibus illis, quasi tunc protectionem Numinis abdicentes, alij post Philopatorem, alij post Antiochum, spreta patria, inclinatione declinaverint; sed corruent, ut videbimus ex pœnis illis

Industria Arfinoes sororis.

Templum Judæorum in Ægypto.

impactis à Philometore, dum erratum suum cognovit; uti retulimus ex Petavio, 18. Januar. à n. 5.

7 Ann. Christi ultim. parabolâ operationum vocatorum ad vineæ culturam, exponit anigmaticè, in coelo, etsi cuncti (laborantes in vita mortali) aequali fruuntur præmio, scilicet, visione beatificâ; quoad accidentalia, qui hic videntur primi, erunt novissimi, & econtra. Marian. ex Matth. 20. à 1. & Alapid. in Chronotax. n. 5. Etiam Castell. (cum die 7. post acceptam notitiam languoris Lazari mansisset Jesus duobus diebus, ubi audierat) dicit, hoc in die suscitatum Lazarum. Alij alibi: refert fuisse Joann. 11. Procul AA. varietate sententiarum, ann. 31. hic dies fuit jejuniij Christi quartus supra trigesimum.

8 Romæ sacra Ebrietati. Prad. in Parerg. Proh Superi! Etiam hoc Ethnici venerabantur Numen? Vidimus ex imagine cum Cupidine, 1. Januar. n. 14.

Ardescit vitio vitium, virefque ministrat. Accinit Manil. 5. Astronom. v. 226. Oportet, femel in mense inebriari; ut jactabat Epicurei? Quid non faceret vulgus, dum sapiens ebrius? Cato (ait Senec. de Animi tranquill. cap. 15.) vino laxabat animum, curis publicis fatigatum. O vir de cælo delapsus in reformationem morum! Sibi respondeat Stoicus, Epist. 59. ut excludat mala malæ mentis gaudia. Ebrietas horæ unius hilarem insaniam longi temporis radio pensat. Verum Vinum apud illos quid divinum. Iccirco Ebrietas amica Sileni: & in Eliade, ait Pausan. cap. 203. Templum Silenus habet: ei Ebrietas vinum è poculo porrigit. Etiam apud Corinthios fanum habebat, ubi simulacrum, fœmina bibens è vitrea phiala, ita expressa; ut per ejus perspicuitatem mulieris labia se ostendant. Idem, cap. 69. Habebitur aliquando Ebrietati honor, & plurimum meri cepisse, virtus erit: subdit Cordubensis, 1. Benefic. cap. 10. Inimicum habet Ebrietas pretiosum lapillum, Amethystum scilicet; eò quod ejusmodi gemma contra ebrietatem stare, compertum est. Ita Pier. Valer. 41. cap. 4. & Franc. Ruëus, de Gemm. cap. 11.

9 Pingebatur Ebrietas induta pellibus hinnuli & capri: hujus, ut expelleret; illius: ut mulcimine traheret. Natal. Comes, 5. Mytholog. cap. 13. Currum ejus in pompam trahebant Lynces, Tigres, Pardi & Pantheræ, quia in vinum nimia horum animalium aviditas; & acrior in illis ex vino crudelitas. Ibid. In Agno, Simia, Sui signatur, atque Leone, à Laurent. Hæchtan. in

Christi gesta.

Ejus jejuniij dies XXXIV.

Manil.

Sacra Ebrietati.

Silenus.

Imagines Ebrietatis.

Amethystus.

Currus Ebrietatis.

Mi-

Microcosm. Emblem. 63. Primus decipitur simplex velut Agnus, & alter hæctan. Ridiculo gestu multa jocosa facit. Tertius ut porcus coitum sectatur inertem; Quartus in adversos more leonis agit. Effectus. Vino hominis perit forma, quippe evanescent rationis insignia. Jacob. Boissard. Emblem. 40. accinit: Ebrinus insano est similis: vinumque cicuta. Boissard. Est homini: hoc ætas formaque culta perit. Luctator vaser est, & decipit arte dolosa: Nam primum caput; debilitatque pedes. Noctua exponitur inimica Baccho, inquit Gyrard. Syntagm. 8. n. 2. Proditum est, si infantes noctua ova absumpserint, perpetuo vinum odisse. Hinc cum Baccho in eadem ara collocata Pallas. Sic 4. Antholog. Græcar. cap. 5. ex quibus Alciat. Embl. 23. Ne sit ebrietas, congruit, quod in vini usum adstet moderatrix ratio: aliàs ad gaudia ingredietur Pœnitentia. Ad unguem quadrat Bacchi pictura. Cur ferulam Bacchus mambus gerit, atque paver? Florent. Dic mihi, cur veteres sic voluere Patres? Scilicet ut vino plenus, det corpora somno: Postridie pœnas se meruisse, sciat. Ita Florentius Schoonh. Emblem. 11. Pœnas jus esse luere, cui placet bibere, & bibendo vivere sepulta ratione. Plaut. in Aulular. Act. 4. scen. 10. v. 20. ait: — Nimis vile est vinum, atque amor; Si ebrio atque amanti impune facere, Quod lubeat, licet. Plura in Ebrietatem diximus, Tom. 2. Tautolog. 4. Selecta videris apud Solorzan. Emblem. 37. 10 Eodem die juxta Plutarch. in Dieb. Claudia, soror P. Claudij (qui contemptis auspicijs, malè pugnaverat) à Senatu mulctata est. Tit. Liv. lib. 19. in Epitom. De fratre, ait Valerius Maxim. 8. cap. 1. n. 4. P. Claudius (dictus Pulcher à Suetonio in Tiber. cap. 2.) nescio religionis major, an patriæ injuria (siquidem illius vetustissimum morem neglexit, hujus pulcherrimam classem amisit) infesto populo objectus; de quo postea. Crimen Claudiæ fuit impietas in populum Roman. Claudia (subdit Livius) à ludis divertens; cum turba premeretur; dixit, Vicinam frater meus viveret, iterumque classem duceret! Hostis visa patriæ, cujus votum execrandum, Romanæque fœminæ indignum. Turfell. ann. v. c. 508. Classem quam procellâ mare summersit, neglectu religionis amissam superstiosè cogitavit Roma. L. Tem. 1. Ephem.

Junius Pullus in Pœnos ad Lilybæum malè classe disposita, ex centum viginti navibus, amisit nonaginta cum propugnatoribus. Eum juvare cupiens P. Claudius, uti in Consulatu collega, cum sexaginta navibus occurrit Junio: at cum certamen refugit, ad periculosa loca confugit: quò coorta furiosâ tempestate, naves ita quassatæ sunt; ut ne tabula quidem ulla integra ex tanto naufragio superesset. Briet. ann. præfat.

11 Hæc vera historia: sed clasis clades à Romanis despectu religionis tributa; sicut post mors Flaminiij Consulis, de quo parta victoria per Annibalem ad lacum Thrasimenum, celsis cum illo XV. millib. quippe neglecto pullorum augurio pugnam inivit. Liv. 22. à sect. 7. & Rolin. 3. cap. 10. De clade agendum, 23. Jun. Non secus tractus P. Claudij refertur à Valerio Maximo, lib. 1. cap. 4. n. 3. P. Claudius bello Punico primo, cum prælium navale committere veller (inquit) auspiciæque more Majorum petisset, & pullarius non exire cavea pullos nunciasset; abijt eos in mare jussit, dicens: Quia esse nolunt, bibant. Idem Sueton. d. Apud Siciliam non pascentibus in auspicando pullis, ac per contemptum religionis, mari demersis, quasi ut biberent, quando esenollent; prælium navale mixt, & superatus est. Huic ergo ludibrio augurij vindicarunt clasis ruinam, Polyb. lib. 1. & Cicer. 1. de Divinat. & 2. de Natur. Deor.

12 Hujusmodi superstitione plurimum Romæ inolevit. Sunt tripudia pullorum solistima (inquit Plin. 10. cap. 21.) Hi magistratus nostros quotidie regunt, domosque ipsi suas claudunt, aut referant. Hi fasces Romanas impellunt aut retinent: jubent acies, aut prohibent. Victoriarum omnium, toto orbe partarum, auspices. Hi maxime terrarum imperio imperantis exis etiam fibrisque haud aliter quam optima victoria, Dijs grati. Modò pulli è cavea non exirent ad escam, vel ferius egredirentur, vel alis pulsem dissiparent; vel inde avolarent, aut occinerent; omen erat tristissimi eventus. Unde Romani molimina suspendebant, vel prorsus desistebant ab inceptis. Sin autem, quod fiebat diluculo, pulli proruebant in appositam offam, & avidè depascebant; inde spes hausta felicitis eventus: majorque concipiebatur, modò vescentibus pullis, aliquid cibi ex ore delaberetur, & terram paviret; quod faustissimum omen, hocque dicebatur Tripudium solistimum. Majol. 2. Colloq. 2. In castris, ut auguria essent in promptu, pulli collocabantur prope signa, intransibus vallum ad lævam. Jul. Bulenger. de Auspicis, Ff

clasis claudij naufragia.

Flaminius Consul visus.

Augurium pullorum.

Omen omen vel faustum?

Quid tripudium solistimum?